



**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA TEŠANJ  
OPĆINSKI NAČELNIK**

Broj: 02-11-3-697-13/21  
Datum: 25.03.2021.godine

Na osnovu člana 70. stav 1. a u vezi sa članom 64. stav 1. tačka b) Zakona o javnim nabavkama Bosne i Hercegovine ("Službeni glasnik BiH", broj: 39/14) i Zapisnika o pregledu i ocjeni ponuda od 24.03.2021.godine, sačinjenog od strane Komisije za nabavke imenovane rješenjem Općinskog načelnika, Općinski načelnik, donosi:

**ODLUKU**  
o izboru najpovoljnijeg ponuđača

**I**

Najpovoljnija ponuda za radove u predmetu "Postavljanje vertikalne signalizacije, turističke signalizacije i odbojnih ograda" po cijeni bez PDV-a od 17.850,00KM (slovima: sedamnaest hiljada osam stotina pedeset i 00/100 konvertibilnih maraka) odnosno sa PDV-om u iznosu od 20.884,50KM (slovima: dvadeset hiljada osam stotina osamdeset četiri i 50/100 konvertibilnih maraka) je ponuda ponuđača DELIĆ SIGNALIZACIJA doo Bihać.

**II**

Ponuda je dostavljena u konkurentskom zahtjevu za dostavu ponuda koji je objavljen na Portalu javnih nabavki dana 04.03.2021.godine pod brojem: 375-7-3-39-3-22/21, kriterij za dodjelu ugovora je najniža cijena.

**III**

Obavezuje se izabrani ponuđač (ukoliko uz ponudu nije dostavio) da u roku od 5 dana od dana prijema ove Odluke dostavi ugovornom organu potrebnu dokumentaciju kojom dokazuju svoju ličnu, ekonomsku i finansijsku sposobnost na način i u formi koja je propisana tenderskom dokumentacijom.

**IV**

Ponuda GEO-PUT doo Maglaj se odbacuje iz razloga što ponuđač uz ponudu nije dostavio traženu dokumentaciju kako je to propisano tenderskom dokumentacijom, te je ista ocijenjena kao formalno neispravna.

**V**

Za realizaciju Odluke zadužuju se Služba za finansije, privredu, komunalne i inspeksijske poslove općine Tešanj.

**VI**

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama.

**VII**

Ova odluka objavit će se na web-stranici Općine Tešanj [www.opcina-tesanj.ba](http://www.opcina-tesanj.ba), shodno članu 70. stav 6. Zakona o javnim nabavkama.

**O b r a z l o ž e n j e**

Postupak javne nabavke za radove "Postavljanje vertikalne signalizacije, turističke signalizacije i odbojnih ograda" pokrenut je Odlukom o pokretanju postupka broj:02-11-3-697-2/21 od 02.03.2021.godine. Odabran je konkurentski zahtjev za dostavu ponuda, koji je objavljen na Portalu javnih nabavki dana 04.03.2021.godine pod brojem:375-7-3-39-3-22/21, procijenjena vrijednost javne nabavke je 20.000,00KM a kriterij za dodjelu ugovora je najniža cijena.

U ostavljenom roku za dostavu ponuda pristigle su 4 (četiri) ponude i to: ponuda GEO-PUT doo Maglaj, ponuda BULJAN CESTE doo Kreševo, ponuda SACOM doo Sarajevo i ponuda DELIĆ SIGNALIZACIJA doo Bihać.

Komisija za javne nabavke imenovana rješenjem Općinskog Načelnika broj: 02-11-3-697-5/21 od 09.03.2021. godine izvršila je dana 17.03.2021.godina javno otvaranje ponuda o čemu je sačinila Zapisnik sa otvaranja ponuda i isti prosljedila svim ponuđačima.

Komisija je na zatvorenoj sjednici izvršila provjeru formalne ispravnosti sadržaja pristiglih ponuda, te ustanovila da su 3 (tri) ponude formalno ispravne (sadržajno kompletne i ispravnog sadržaja) i da se kao takve mogu ocjenjivati u skladu sa zahtjevom za dostavu ponuda.

U svrhu dokazivanja da ispunjavaju uslove za primjenu preferencijalnog tretmana domaćeg svi ponuđači su dostavili dokumentaciju traženu tačkom 32.1. tenderske dokumentacije.

Tačkom 5.1. Tenderske dokumentacije predviđeno je da će se u ovom postupku dodjele ugovora primjeniti E-aukcija za ponuđače koji su podnijeli prihvatljive ponude te je ugovorni organ zakazao E-aukcija za dan 23.03.2021.godine od 09:00 sati u trajanju od 10 minuta.

Iz Izvještaja o toku i završetku E-aukcije od 23.03.2021.godine (koji je u predmetu spisa) vidljivo je da DELIĆ SIGNALIZACIJA doo Bihać kao ponuđač zauzima prvo mjesto na Konačnoj listi ponuđača koji su učestvovali u E-aukciji te je ugovorni organ iz Izvještaja o toku i završetku E-aukcije preuzeo Konačnu listu ponuđača koji su učestvovali u E-aukciji kako slijedi:

1. DELIĆ SIGNALIZACIJA doo Bihać
2. BULJAN CESTE doo Kreševo
3. SACOM doo Sarajevo

Komisija je kod ocjene ponuda takođe utvrdila da ponuda ponuđača GEO-PUT doo Maglaj nije formalno ispravna iz razloga što nije sadržavala dokumentaciju kako je to propisano tenderskom dokumentacijom, naime ponuda sadrži dokument Spisak izvršenih ugovora za period ne duži od 3 godine od 12.03.2021.godine sa projektima, iz kojeg dokumenta je vidljivo da se radi o zaključenim ugovorima uglavnom na sanaciji makadamskih puteva, izgradnji, održavanju, asfaltiranju makadamskog ili nekategorisanog puta i rekonstrukciji istih. Iz Uvjerenja Općine Maglaj broj:05-49-124/20 od 21.01.2020.godine te Uvjerenja Općine Maglaj broj:05-49-180/20 od 13.02.2019.godine vidljivo je da se radi o ugovorima koji su nabrojani i u dokumentu ponuđača od 12.03.2021.godine, te je iz opisa priloženih uvjerenja vidljivo da je GEO-PUT doo Maglaj radio na sanaciji makadamskih puteva, izgradnji, održavanju, asfaltiranju makadamskih ili nekategorisanih puteva i rekonstrukciji istih. Uz ponudu na strani 18a ponuđač je dostavio dokument od 12.03.2021.godine, Izjava o izvršenim ugovorima, uredno potpisan gdje izjavljuje da "ima izvršen minimalno 1 (jedan) ugovor na radovima postavljanja prometne opreme i signalizacije ili projektu postavljanja saobraćajne signalizacije i opreme puta ili izvođenju radova na održavanju odbojne ograde i saobraćajne opreme, vrijednosti minimalno 20.000,00KM i to temeljem ugovora sadržanih u Uvjerenjima izdatim od Općine Maglaj. Tačkom 13.3. pod a) tenderske dokumentacije je propisano da ugovorima treba dokazati "Uspješno iskustvo u izvođenju radova, što se dokazuje sa 1 (jednim) ugovorom na radovima postavljanja prometne opreme i signalizacije ili projektu postavljanja saobraćajne signalizacije i opreme puta ili izvođenju radova na održavanju i zamjeni odbojne ograde i saobraćajne opreme i drugim sličnim radovima, vrijednosti bez PDV-a minimalno od 20.000,00KM u posljednje tri (3) godine, (ponuđači svoje iskustvo mogu dokazivati i sa ugovorima veće vrijednosti)", a što se dokazuje sa Potvrdom o urednom izvršenju ugovora koju izdaje investitor, a koja obavezno sadrže: naziv i sjedište ugovornih strana ili privrednih subjekata, predmet ugovora, vrijednost ugovora, vrijeme i mjesto izvršenja ugovora i navode o uredno izvršenim ugovorima, propisanom u tački 13.3.1. pod b) tenderske dokumentacije.

Iz Uvjerenja Općine Maglaj broj:05-49-124/20 od 21.01.2020.godine te Uvjerenja Općine Maglaj broj:05-49-180/20 od 13.02.2019.godine nije vidljivo da je ponuđač radio na poslovima "postavljanja prometne opreme i signalizacije ili projektu postavljanja saobraćajne signalizacije i opreme puta ili izvođenju radova na održavanju i zamjeni odbojne ograde i saobraćajne opreme i drugim sličnim radovima", a komisija za otvaranje i ocjenu ponuda u kontekstu toga nije kao validan dokaz za ove

radove mogla prihvatiti Izjav ponuđača GEO-PUT doo Maglaj o izvršenim ugovorima od 12.03.2021.godine.

Ponuda GEO-PUT doo Maglaj je u skladu sa članom 68. Zakona o javnim nabavkama Bosne i Hercegovine ("Službeni glasnik BiH", broj: 39/14) odbačena, kako je navedeno u tački 4. dispozitiva ove Odluke.

Shodno navedenom, Komisija za javnu nabavku je prema utvrđenom kriteriju "najniža cijena ekonomski prihvatljive ponude" preporučila Općinskom Načelniku, općine Tešanj (Zapisnik o pregledu i ocjeni ponuda broj:02-11-3-697-12/21 od 24.03.2021.godine), da se u predmetu javne nabavke radova "Postavljanje vertikalne signalizacije, turističke signalizacije i odbojnih ograda", donese Odluka o izboru najpovoljnijeg ponuđača i da se kao najbolje ocijenjena prihvatljiva ponuda za radove određuje ponuda ponuđača DELIĆ SIGNALIZACIJA doo Bihać, odnosno kako je to navedeno u tački I ove Odluke, te da se sa istim zaključi ugovor u skladu sa ponudom i postignutom cijenom na E-aukciji navedenog ponuđača za radove predmetne nabavke.

Uzimajući u obzir sve navedeno, a primjenom člana 64. stav 1. tačka b) Zakona o javnim nabavkama Bosne i Hercegovine ("Službeni glasnik BiH", broj: 39/14) kao najpovoljniji izabran je ponuđač DELIĆ SIGNALIZACIJA doo Bihać sa cijenom u iznosu bez PDV-a od 17.850,00KM (slovima: sedamnaest hiljada osam stotina pedeset i 00/100 konvertibilnih maraka) odnosno sa PDV-om u iznosu od 20.884,50KM (slovima: dvadeset hiljada osam stotina osamdeset četiri i 50/100 konvertibilnih maraka).

**Pouka o pravnom lijeku:** Žalba na Odluku o izboru najpovoljnijeg ponuđača izjavljuje se URŽ-u putem ugovornog organa u roku od 5 dana od dana prijema Odluke, na način propisan Zakonom o javnim nabavkama Bosne i Hercegovine (Sl.glasnik BiH broj:39/14).

DOSTAVLJENO:

1. Ponuđači x4,
2. Služba za finansije, privredu, komunalne i inspeksijske poslove,
3. Web stranica općine Tešanj, elektronski,
4. Predmet.

*Suad Huskić*



